



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Exempla, In Septem Capitalivm Vitiorm Detestationem,  
Per Qvadragesimam, An. 1646. narrata**

**Stengel, Georg**

**Ingolstadij, 1649**

§. 26. Duellorum furiosa ira.

[urn:nbn:de:hbz:466:1-49161](https://nbn-resolving.org/urn:nbn:de:hbz:466:1-49161)

exiguas vestes rapiant, non dubitant miserum viatorem, vita, & æterna salute spoliare? Nam quem tu, ô non jam miles, sed latro, crumenæ causa, occidis, is non vitam tantum, sed, si imparatum occupas, animam quoque perdit: quam seruasset fortasse, si, per te, pœnitentiæ agenda tempus habuisset. Vno igitur ictu duplicem illi vitam adimis, neque in terra eum sinens viuere, neque ad cœlum venire. Magna est vitæ huius lucisq̃ iactura, ob quam illatam, homicidæ in rotam aguntur, sed nihili hæc iactura facienda est, si cum æternæ vitæ amissione comparetur. Quo damno etiã ipsos suos liberos afficiunt matres, quæ natos vix in lucem editos, Sacramento Baptismi nondum lustratos, instar Medæ, necant, &, eliso cerebro, vel acu impressa, vel abscisso iugulo, vel gutture strangulato, in flumina, aut cloacas abijciunt. Quod quanquam non faciunt ira, sed pudore ac infamiæ, vel alio metu suadente, tanto tamen sunt crudeliores; quia Orco consecrant, quos cœlo pepererunt; meritò proinde, vt Assassini eorumq̃ instigatores, ab Ecclesia excommunicatæ.

XXVI.  
DVELLO-  
RVM FURI-  
OSA IRA.

At, ne quis milites tantum & viarum infessores (qui itidem ex prædæ, non ex vindic-  
tæ

etæ cupiditate plerumque inuadunt, quos in  
via non satis comitatos nanciscuntur ) arbi-  
tretur, hoc se tam Satanico latrocinandî  
genere Deo execrandos reddere ; incidunt in  
eandem immanitatem iuuenes, viri, senes,  
& illi, qui paulo priùs hilariter colluserunt,  
compotarunt, atque inter nuptiales epulas,  
se se mutuò dilectissimos fratres appellaue-  
runt. Vnum dictum, vnus iocus, vnus nutus,  
vna suspicio illos ad arma excitat : surgunt,  
currunt, prouocant, enses nudant ; globos  
mutant, nec ante ex arena discedunt, quàm  
alteruter ex equo cadat mortuus : nec rarò  
vterq; cadit. Quo isti eunt ? rectis lineis fe-  
runtur in infernum. Ergo audite vos teme-  
rarij prouocatores ; audite duellatores, quan-  
tam vos ad crudelitatem impellat furor, in  
quo vos laudem, & nominis, aut nobilitatis  
vestræ honorem positum existimatis. Com-  
bibones vestros, quos vel prouocatis, vel pro-  
uocantes duello peritis, non tantùm vultis  
occisissimos, sed etiam occisos morte secun-  
da damnatis, & mittitis non in sepulchrum  
duntaxat, sed etiam in infernum. Vt enim in  
vino rixæ frequenter existunt ; ita non diffi-  
cilè est cogitare, quò mittantur, qui ebrij, qui  
luxuriosi, qui irati & vindicta ac cædibus

**2. Reg. 13.** perpetrandis pleni occiduntur. Sic olim *pra-*  
**28.** *ceperat Absalom pueris suis, dicens: Observate,*  
*cum temulentus fuerit Amnon vino, & dixerit*  
*vobis: Percutite eum, & interficite.* Talia etiã  
 sunt consilia & mandata diabolorum, qui-  
 bus certum est, eos, qui in ebrietate, in im-  
 pudicitia, in flagitijs constituti necantur, vñã  
 cum animabus suis interire. Videte ergo, an  
 non horum occisores, & animam simul &  
 corpus perdant in gehennam? præsertim,  
 duellatores. Quod si autem adhuc aliquid  
 grandius audire sustinetis, non in alios tan-  
 tum, sed in semetipsos etiam isti, tam Ache-  
 ronticis modis, & furiosã insaniam sæviunt.  
 Accidit enim sæpius, vt ille cadat, qui pro-  
 uocauit. Quò cadat, facile est cogitare.  
 Nam etsi duellum, seu *pugna duorum ex con-*  
**Vincent.** *dicto*, ad defendendam propriam, contra ag-  
**Filliutius** *gressorem, vitam, aut quando bellum resol-*  
**tract. 29.** *uitur in duellum, vt in David & Goliath vi-*  
**in 5. præ** *dere fuit, licita sit; tamen neque ad vires*  
**cept. de-** *& generositatem ostentandam; neque ad li-*  
**cal.** *tes terminandas; neque ad honorem defen-*  
**1. Reg. 17.** *dendum, ignominiamque, apud imperitos*  
*æstimatores, euitandam; neque ad purgatio-*  
*nem, licitè & sine peccato, suscipitur. Hinc*  
*omne duellum ex condicito subiectum est pœ-*

nis

nis. Laici duellantes excommunicantur: clerici excōmunicantur & suspenduntur: quin & prouocantes ad duellum, effectu non secuto, vti & acceptantes incidunt in excommunicationem. Nunquid hoc est & suam animam vita spirituali priuare, & alienam? Quisquis igitur in tali duello vel occidit, vel occiditur, vno vulnere & corpus & animam perdit. Huc ira ducit, si fræno non cohibeatur.

Sed his omnibus longè amentius sibi fortunisq; suis irascuntur, qui impatientia intemperisq; eò adiguntur, vt sibi ipsis statuunt inferre manus violentas. Sic, vt de Pyramo & Thysbe nihil dicam, ac ijs, qui eos insanis amoribus imitantur; seque ipsos interimunt, quando ijs frui non possunt; apud Græcos Ajax, apud Hebræos rex Saul, in proprium gladium incubuit. Sic *Achitophel videns, quòd non fuisset factum consilium suum, disposita domo sua suspendio interijt.* Quo mortis genere etiam Iudas animam suam, ex arbore in Orci barathrum, præcipitauit. Herodes quoque mortem sibi ipse consciuit, ne se diutius viuum vermibus permetteret epulandum. Quod & de Pontio Pilato refert Gregorius Turonensis. Apud Ethnicos innumerati

XXVII.

SE IPSOS  
OCCIDENTIUM IN-  
SANIA.

2. Reg. 6

2 Reg. 17.

23.